

کتابخانه

آدرس: نیا-مئنده آریجه
• فروش کوندرملیدر.

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاءالی صراط مستقیم

آبونه شرائطی : هریر ایچون
سنه لکی (۴۰۰) الق ایلی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید اقدی خاندنه

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیر احاده اولنماز .

پرانمش تباہ اولش بر حیات کبی [بسبتون ییقلمه سندن اندیشه ناک بولونیورلر .

معنوی و روحی تریات واسطه لرله زهر لیمکه دکل، بالعکس اجتماعی و اخلاقی یوکسک بر تصفییه محتاج اولان مسلمان و تورک استانبولک بارلردن اول محتاج اولدینی فکر و علم مؤسسسه لرله تزیینی، احتیاجات مشروعہ زمانه کوره اوطوروله بیله جک بر حاله افرانغی لازمدر . بومناستله (نوحیدافکار) رفیقمزک سر محرری ولید بک مطالعات آتیه یی در میان اییدیور :

« شهرامینی بکک ، عمران مسئله سنده اک خطالی دوشونجه لرندن بری دهه، شهریمزه اجنبی جلب ایتمک ایچون مثلا قارخانه لر وجوده کتیرمه ناک لزومنه قائل اولماسیدر .

پارس بوکون ، دنیا ناک اک زیاده اجنبی زوار جلب ایدن بر شهریدر . حالبوکه اوراده بر تک قارخانه یوقدر . بعضی خصوصی محفلرده وقلولبرده صرف مقید اعضا آرسنده اوپونه مساعدده ایدلسه بیله بوده غایت محدود دائره ده قالمده در . بومحدودیت ایسه بالخاصه او محفلر وقلولبره اوکته کلنک واجانبک کیرمه مه سیله تأمین اییدیور .

کذا مملکت اولارق دهه دنیا ناک اک زیاده زیارت اییلن اولکسی اسویچره در . حالبوکه بوتون اسویچره دهه ، نه خصوصی ، نه عمومی بر تک قارخانه یوقدر . حتی بو مملکتده عمومخانه کشادی ده ممنوعدر . حالبوکه اسویچره یی هر سنه یوز بیکرجه سیاح زیارت ایدر . حتی دکزی ، مخرجی ، بویوک مقیاسده صنایعی اولایان بو کوچوک مملکتک بوکونکی عمران فوق العاده سی ، خلقک رفاهی مان تمامیه اجنیلرک بیراقدینی یاره لر سایه سنده تأمین ایلمکده در .

نابولیون طرفندن « دنیا بر ابراطورلق اولسه ییدی ، مرکزی استانبول اولوردی » قول . شهوپله اهمیت و قیمت تعریف ایلمک ایستینلن شهریمزده ، هینله اسویچره کبی صرف موقعنک لطافتی ، طبیعتک کندیسنه بخش ایندی بی فوق العاده کوزلکلرله ممتاز بر بلده در . بناء علیه شهریمزی زیارتکاه اجانب یایمق ایچون توسل ایده جکمز وسائل ، قارخانه و سفاهتخانه لر آچق دکل ، آنجق شهرک کوزلکلرندن استفاده ایدیله بیله جک وسائلی احضاردن عبارتدر . بوده ایی بویوک ابراطورلقه عصرلرجه پای مختلق ایتمش اولان یولده دلای رای شیمدی بک جلال اسمدی بک دیدیکی کبی (جفا شهری) اولقندن قورقارمقله ممکندر .

شهرک سواقلرینی ، احضار ایدلش عمومی بر پلان موجینجه اهمی مهمه تقدیم ایده رک تنظیم ایده لم ، وسائط نقلیه یی کوندن کونه دوزلتم وچوغالتم ، صو مسئله حیاتیه سنی حل ایده لم ، تنویرات ، تنظیمات ایشلرینی یولنه قویلم ، خصوصاً وخصوصاً آوروپا بلدیله رنده فوق العاده اهمیت ویریلن شهرک آغاچله تزیینی مسئله سنی ده اہمال ایتمه لم ، بوسورتله استانبول درت بش سنه صوکره اجنیلرک سوه سوه زیارت ایده جکاری برشهر اولور .

امین بکک ، شهرک اعماری نامنه چوق یاکلش دوشونجه لرلی جملہ سندن اواقی اوزره ، طوبقیو یارقنده کی غازی نو ده بر (بار) تأسیسنه تشبث ایتمی ده بویوک برخطادر . بوخطالره پ کورمه مک ، بیده مک بوزندن یاییلیور . آوروپا یانتلرینک هیچ برنده بلدییه عائد بویوک باغچہ لده (بار) دکل حتی غازی نویله یوقدر . پارسک مشهور (لوکسبورغ) باغچہ سنده ، لوندره ناک (هایدپارک) نده ، برلینک (تیرغارتق) نده نه غازی نو ، نه بار وارددر . بالکمز بلدییه عائدقناپهلر خارجنده یاره ایله اوطورولوز برقاج اسکله بولونور .

لوندره ، پارس ، برلین عمومی باغچہ لرندہ غازی نویله بوقکن ، استانبولک

ابتدیکی جمعیت ، ایسته مرکزی آمریقادہ اولان بودوشمان تشکیلاتنک قادیلر قسیدر .

شوقدرکه بوقسم دیگر قسندن یعنی ازککلر قسندن دها زیاده موقیت امیدله چالیشیور وموقده اولیور .

نته کیم کوزلریمزک اوکته یاری جیلاق برقاج کوزهل مادمازهل چیقاروب یوزدیره رک بویوک برتایل الدہ ایتمش حتی بوشوح منظرهل « جمهوریت » محررلرینده غشی ایتمش ، لهریتہ قوجه مان بر بند یازی یازمه مجبور ایلمشدر . خایر افندیلر ، خایر خانملر ! . . . « کنج خرستیانلر » جمعیتلری نه قدر نشته لی نه قدر شوح وسیله لر حاضرلاسه بزی قادیلر ماملی وقویونمزده آراتق بو ییلانلر یووا یایه ماملیدر »

مدرسه لر صایلیور

یومی غزته لر طرفندن ویریلن معلوماته کوره معارف وکاتی اخیراً استانبول ولایتہ مدرسه لر حقنده بر تبلیغ کوندرمشدر . بو تبلیغه اولجه قبول ایدیان لایحه علاوه اولونمشدر .

بولایحه یه نظراً جوامع ومساجد شریفه دن ماعدا اوقافه عائد دیگر عرصه ومکتب بنالری صاییلارق بدلی ایله احتیاج نسبتنده اولاجامع ، نانیامکتب ، نالانده خسته خانه کبی مؤسسات خیریه وجوده کتیریله جکره . معارف وکاتی بولایحه یی تعمیمه ربط ایتمکدن صوکره آلتنده شونی علاوه ایتمشدر :

۱ — مدرسه لر معارفه دور اولونمشدر .

۲ — بونلردن مکتبه الویریشلی اولانلر در حال مکتب حاله افراغ اولونه جقدر .

۳ — مکتبه الویریشلی اولمایان مدرسه بنالری صاییلارق ولایحه مکتب یایلا جقدر .

معارف وکلنک بواصری علاقه دار دواثره تبلیغ ایلمشدر . اوقافه تاند بو قبیل عرصه ومکتبلرک صاییلارق مکتب انشاسی ایچون بر قومیسون تشکیلی محتملدر .

سفاهت شهری

شهرامینی بکک غزته جیلره ویردیکی ضیافت انشاسنده اورته یه چیقما . ردینی ، استانبولک بر ذوق و سفاهت شهری حاله افراغی اساسی استهداف ایدن فکر اطرافنده اولدقجه حرارتلی مباحثه لر باشلادی . باشدہ جلال اسمد بک اولق اوزره متفکرلرمنک همان کافه سی بیک دورلو احتیاجات معنویه و ضروریه ایچنده اساساً خراب اولان زواللی شهرمنک غریبک فضایح و لویاتی تمثیل ایدن مؤسسسه لرله [سفاهتله